

Schreiben von Marti Säger und Heinrich Ammann an Bürgermeister und Rat von Chur betreffend die Informierung über die Ankunft von 20 Berittenen auf Gutenberg und die auf Mahnung von den Sieben Orten nach Maienfeld geschickten Hilfstruppen sowie die Bitte, ebenso wie bei den Eidgenossen das allgemeine militärische Aufgebot ergehen zu lassen, um bei der Abwehr des Feindes in Maienfeld zu helfen, zudem seien sie vor schweren Kampfhandlungen in Vaduz und Schaan gewarnt worden.

Or. (A), StadtA Chur, RA. 1499.044. – Pap. 22,6/31,5 cm. – Siegelreste. – Anschrift: Den fürsichtigen vnd wysen burgermeister vnd rat der statt Chur etc., cito cito.

Druck: Jecklin, Schwabenkrieg, II. Teil, S. 134f., Nr. 97.

l¹ Vnser^{a)} willig dienst zûuor, fürsichtigen ersamen wysen lieben l² herrn vnd getrüwen puntzgenossen. Die vnsren haben nêcht l³ spat ob den 20 pferden gen Gûttenberg¹ sechen ritten vnd als l⁴ es niblecht gewesen ist, hand sy nit mügen sechen, ob ein l⁵ zûg dabi sie oder nit. Das hand wir gen Ragatz² verckündt l⁶ vnd bitten lassen, ein genüw vfsechen vff vns ze haben. l⁷ Also sind diser stund die zûsatz von den siben orten her kon l⁸ gen Meyenfeld³ vnd hand vns dero hauptlüt geseit, das l⁹ sy habend von stund an zwen rittende botten das land l¹⁰ ab geschickt vnd sagend, das die den sturm nider vnd nider l¹¹ gen lassen, wie verr mügen wir nit wüssen. Nu l¹² wellen die vnsren nit vss dem nest vnd hebt sich der sturm l¹³ zû Malans⁴ an vnd gat jn Pretigew⁵ vnd wër vnser l¹⁴ güt bedunken, jr liessen den sturm durch als lannd l¹⁵ gan, allenthalben bi tag vnd nacht, manende, bi eid vnd l¹⁶ er vns ye die nechsten mit jr macht zû ze ziechen, damit l¹⁷ wir die weer hie vnd nit ain yeder vor siner hütten l¹⁸ thûn müste. Ouch das wir nit gegen vnsren puntz- l¹⁹ genossen als liederlich zû sin jn vnsren eignen sachen l²⁰ gesechen würden. Vnd der landvogt hat vns ouch yetz l²¹ warnung zûgesant, das zû Vadutz⁶ vnd Schan⁷ ein l²² gross schiessen sie, darnach sollen wir vns wüssen l²³ ze richten. Vnd Sanganserlannd⁸ zücht zû mit macht. l²⁴ Datum, ylentz vmb die 12 vr mitnacht, zinstag l²⁵ jn virtagen anno etc. LXXXXIX.

l²⁶ Marti Säger vnd l²⁷ Hainrich Amann⁹.

^{a)} *Initiale V 2,5 cm hoch.*

¹ Gutenberg, Gem. Balzers. – ² Ragaz, Bez. Sargans SG (CH). – ³ Maienfeld, Gem. u. Kr. GR (CH). – ⁴ Malans, Kr. Maienfeld GR. – ⁵ Prättigau, Tal GR. – ⁶ Vaduz. – ⁷ Schaan. – ⁸ Sargans, Stadt u. Bez. SG. – ⁹ Heinrich Ammann von Grüningen (Bez. Hinwil, ZH, CH), seit 1494 im Besitz der Herrschaft Haldenstein, Hauptmann der Bündner Truppen im Schwabenkrieg 1499, †1504.